

《佛說無量壽經》 補充講表

◎附表三十九：以下糅合《佛說無量壽經甄解》

○其第十二佛，名曰無上華，彼有無數不可稱計諸菩薩眾：所修堅固之法。

※唐譯【無量壽如來會】云：「從勝花如來國中，有五百菩薩，具大精進，發趣一乘。於

七日中，能令眾生離百千億那由他劫生死流轉，彼等亦當生極樂界。」

◆於七日以下，明「化他」勝。大士所修，利物為懷，利物不退，謂之堅固。

◆於七日中，即能攝取百千億劫，大士所修堅固之法：謂一念與無量劫融即，又作念劫圓

融。據舊《華嚴經》卷九初發心功德行願品載，無量劫即是一念，一念即是無量劫。

◆十地品載，一念攝劫，劫攝一念。念與劫即入而圓融無礙，蓋以時間無體性之故。

◆十世古今，始終不離於當念

○其有得聞彼佛名號，歡喜踊躍，乃至一念，當知此人，為得大利，則是具足無上功德。

※《占察善惡業報經》卷下云：「若雜亂垢心，雖復稱誦我之名字，而不名為聞。以不能生決定信解，但獲世間善報，不得廣大深妙利益。」

※《占察善惡業報經義疏》云：「諸佛菩薩真實功德，通別名號，並由證真實性，稱性所成緣起作用，能與眾生作增上緣。眾生不了，計有心外佛菩薩名，即為淨分分別性攝。若知名號，是我自心所現相分，即為淨分依他性攝。能於一切時處常勤誦念，勿令間斷，則心不散亂，名為妙止；名號歷然，名為妙觀，便可助顯唯心識觀，兼有滅障勝功能矣。」

○當來之世，經道滅盡，我以慈悲哀愍，特留此經，止住百歲。

※《佛說無量壽經疏》云：「當來之世，經道滅者：舉彼未來法滅盡事。釋迦正法有五百年，像法千歲，末法萬歲；一切皆過，名為滅盡。」

○如來興世，難值難見；諸佛經道，難得難聞；信樂受持，難中之難，無過此難。

◆難中有三難，值佛難，（值見）聞法難（經教行法），修行難（遇善已下）

○是故我法，如是作，如是說，如是教。應當信順，如法修行。

※《佛說無量壽經疏》云：「如是作者：此經宣說彌陀如來修願、修行，得身、得土，名

如是作。如是說者：如來上來為眾宣說，名如是說。如是教者：

如來上來教人往生，名如是教。」

○三千大千世界六種震動，大光普照十方國土，百千音樂，自然而作，無量妙華，芬芬而降。

◆如來化周，為增物敬故，以神力故，動地放光，作樂雨花。

△結示勸修

※《往生論》云：「觀彼世界相，勝過三界道。」

究竟如虛空，廣大無邊際。

正道大慈悲，出世善根生。

淨光明滿足，如鏡日月輪。備諸珍寶性，具足妙莊嚴。」

※《徹悟禪師語錄》云：「與其夢受娑婆之極苦，何若夢受極樂之妙樂！況娑婆之夢，從夢入夢，夢之又夢，展轉沈迷者也。極樂之夢，從夢入覺，覺之又覺，漸至於大覺者也。夢雖同，所以夢者，未嘗同也。」

※《靈峰宗論》卷第二之四云：「夫依對待而論，娑婆活計，添夢者也；求生淨土，醒夢者也，不可不求生也。依絕待而論，惑業感於三界，惡夢也；念佛生於淨土，好夢也，亦不可不求生也。」

◆極樂淨土與娑婆世界之比較

娑婆世界：添夢者也——惡夢也
極樂淨土：醒夢者也——好夢也

△七寶浴池、八功德水之作用：（以下糅合蓮池大師《彌陀疏鈔》卷二）

◆又大本敘寶池水畢，復開三種殊勝妙用：一、水能隨意。二、水能說法。

三、浴畢進業。